

**KANISA KATOLIKI JIMBO KUU LA DAR ES SALAAM
PAROKIA YA MT. MARIA DE MATTIAS – MIVUMONI
DAR ES SALAAM**

**MATANGAZO YA DOMINIKA YA NNE YA MAJILIO
MWAKA A TAREHE 18 DISEMBA, 2022.**

Kristo...

MCHANGO WA PILI

Kwa ajili ya **UTOTO MTAKATIFU**. Jumuiya iandae vyombo, kwaya mtuongoze kwa wimbo.

UPADRISHO

- Shemasi Faustine Misanga wa Shirika la Wamisionari wa Damu Azizi ya Yesu ambaye kwa sasa anafanya uchungaji wake katika Parokia ya Mt. Nicholas, Kunduchi Mtongani, anategemewa kupewa Daraja Takatifu la Upadre Tarehe 27 Januari 2023 katika Parokia ya Itigi Jimbo la Singida.

- Shemasi Michael Regnatus Henerico wa Shirika la Mungu Mwokozi kutoka Parokia ya Mt. Maxmillian Kolbe, Mwenge anategemea kupewa Daraja Takatifu la Upadre tarehe 2/2/2023 katika kanisa la Mungu Mwokozi, Chuo cha Jordan Morogoro.

- Tuwaombe ili waweze kufikia daraja hilo wanalolitamani.

USHEMASI

-Frateri Amandi Pius Shirima anatokea Parokia ya Mt. Augustino Salasala Anafanyia uchungaji wake Parokia ya MT. Joseph kanisa kuu, Frateri Daniel Richard Ntakwizile anatokea Parokia ya Ubungo Msewe anafanya utume wake Parokia ya Goba Matosa. Frateri Joanes Victor Kambadu anayetokea Parokia ya Kiluvya, anafanya utume wake Visiga Seminari, Frateri Michael Mamboleo anayetokea Parokia ya Mafya anafanya utume wake Parokia ya Kilongawima.

Mafrateri hawa wanategemea kupewaa daraja la Ushemasi tarehe 6/1/2023 saa 3:00 Asubuhi katika kanisa la Mt. Yohane Bosco Parokia ya Kibaha.

-Frateri Dickson Richard Sambala wa shirika la Wakarmeli kutoka Parokia ya Bunju Jimbo kuu la Dar es salaam, Mtoto wa Richard Sambala na Dominika Mdapo anategemea kupewa daraja Takatifu la Ushemasi tarehe 6 Januari 2023 katika Parokia ya Kibaha Jimbo kuu la Dar es Salaam.

Tangazo la Pili.

-Frateri Anthony Ackley Shilaha wa Jimbo kuu la Mwanza anasoma katika chuo kikuu cha Ardhi hapa Dar es salaam anategemewa kupewa daraja Takatifu la Ushemasi tarehe 7 Januari 2022 katika Parokia ya Sumve, Jimbo la Mwanza.

Tangazo la Tatu na la mwisho.

Anayefahamu kizuizi chochote atoe taarifa mapema kwa mkurugenzi wa miito Jimbo kuu la Dar es Salaam.

UTOTO

kutakuwa na lbada ya kuhitimisha kilele cha Jubilei ya miaka 25 ya Utoto Mt. kijimbo na itafanyika katika viwanja vya msimbazi Centre Tarehe 28/12/2022 ambapo pia itakuwa ni siku ya watoto Mashahidi.hivyo tunaomba kila Jumuiya itoe watoto angalau 5 na kuendelea.mchango kwa kila mshiriki ni shilingi 18,000. Mwisho wa kutoa wa Mchango ni tarehe 20/12/2022.

-Pia Kutakuwa na lbada ya Shukrani kwa walezi wote wa utoto Mtakatifu Jimbo kuu la Dar es Salaam itakayofanyika Tarehe 28/01/2023. Mchango kwa killa mlezi ni sh. 35,000 Tunaomba Jumuiya kuwawezesha walezi kushiriki kwa wingi kwani ni siku yao.

VIJANA

MISA YA UFUKWENI

Jumamosi ya mwisho wa mwaka tarehe 31/12/2022 kutakuwa na Misa ya ufukweni kwa vijana wote.Itafanyika Bagamoyo Msalabani.Gharama ya usafiri ni shilingi 5000 kwa kila mshiriki.Watatoka Parokiani saa 12:30 Asubuhi.

-Pia leo saa 10:30 Jioni kutakuwa na zoezi la igizo la xmass litakalifanyika kwa masista wa De Paul Lagos.Vijana wote mnaopenda kushiriki igizo hilo mnakaribishwa.Igizo mkesha wa Noel kanisani litaanza saa 3:00 usiku kwa dakika 45 tu.

-Vijana mnaombwa kufika siku ya Jumamosi ili kusaidia zoezi la upambaji wa kanisa kwa ajili ya sikukuu ya Noeli.

MAUNGAMO

Kutakuwa na maungamo hapa Parokiani kwa ajili ya maandalizi ya sikukuu ya Noeli tarehe 21/12/2022 saa kumi kamili jioni.Kutakuwa na Mapadre wa kutosha hivyo tunaombwa kuja kujitakatifuza.Tujiandae kumpokea mtoto Yesu tukiwa safi.

UCHAGUZI WA VYAMA VYA KITUME NGAZI YA PAROKIA

Kutakuwa na uchaguzi wa viongozi wa vyama vya Kitume (**Utume wa Fatima, Moyo Mt. wa Yesu,Vijana, Lejio na wazee na wastaafu**) ngazi ya Parokia Leo mara baada ya Misa ya kwanza.Wanautume katika vyama husika mnaombwa kusali Misa ya kwanza ili kuweza kushiriki uchaguzi huo.Aidha uchaguzi wa kwaya utafanyika mara baada ya Misa ya pili.Uchaguzi wa UKWAKATA utafanyika Januari tarehe 08/01/2023

NOVENA YA NOEL

Novena ya noel imeanza na itakuwa inasaliwa kwenye Groto kuanzia saa 12:00 Jioni, na inaratibiwa na walezi wa Utoto Mtakatifu na Viongozi wa Utume wa Fatima. Waamini wote tunaalikwa kushiriki Novena hii ili Mungu atujalie baraka zake tunapoelekea kwenye sikukuu ya Noeli.

MAFUNDISHO

Kutakuwa na likizo fupi kwa wanafunzi wa mafundisho ya Komunio ya kwanza, Kipaimara na Wakatekumeni kuanzia leo mpaka tarehe 07/01/2023.

UBATIZO

Wazazi na wasimamizi watakaobatiza Watoto tarehe 26/12/2022 wanaombwa kuonana na Katekista tarehe 23/12/2022 siku ya Ijumaa kwa ajili ya mazoezi (rehasal)

SHUKRANI SEMINA

Uongozi wa WAWATA Parokia unatoa shukrani za dhati kwa Baba Paroko, Kamati Tendaji Parokia, wazazi na vijana kwa kufanikisha zoezi zima la vijana kuhudhuria Semina iliyofanyika Bunju. Jumla ya vijana 234 walihudhuria. Wanawashukuru pia UWAKA kwa mchango wao Mungu awabariki.

HUDUMA KANISANI

Leo tunahudumiwa na Jumuiya ya Mt. Marcelino.

HUDUMA ZA OFISI YA MAPADRE

Hakutakuwa na huduma ofisi ya mapadre kuanzia tarehe 23/12/2022 hadi tarehe 08/01/2023 Kwa ajili ya Sikukuu ya Noeli.

RATIBA YA SIKUKUU YA NOELI

Mkeshwa wa Noeli tarehe 24 Misa itanza saa 4:00 usiku na tutahudumiwa na UWAKA nje na VIJANA ndani. Sikukuu ya Noeli Misa ni mbili tu. Misa ya kwanza ni Saa 1:00 Asubuhi na Misa ya pili ni saa 3:30 Asubuhi, tutahudumiwa na Jumuiya ya Mt. Veronika, Sikukuu ya Stephano Shahidi tarehe 26/12 Misa itanza saa 3:00 Asubuhi na tutahudumiwa na Mt. Joakimu. Mkeshwa wa mwaka mpya tutahudumiwa na uwaka nje na vijana ndani, Mwaka Mpya itakuwa zamu ya Jumuiya ya Mt. Yohane Bosco Dominika ya tarehe 8/1/2023 itakuwa zamu ya Mt. Petro.

MAUZO

Gazeti la Tumaini letu linapatikana kwenye duka la WAWATA kwa shilingi 1,000 tu. Jipatie nakala yako ilio sheheni habari kemkem.

Shajara za mwaka 2023 zinapatikana katika duka la WAWATA KWA SHILINGI 15,000. Karibuni.

RADIO MARIA

Kumkaribisha mjumbe toka radio Maria kwa salamu toka Radio Maria.